



(40)

# **KIBABII UNIVERSITY**

## **UNIVERSITY EXAMINATIONS**

**2021/2022 ACADEMIC YEAR  
SECOND YEAR FIRST SEMESTER**

### **SPECIAL/SUPPLEMENTARY EXAMINATION**

**FOR THE DEGREE OF BACHELOR OF EDUCATION (ARTS)**

**COURSE CODE: SWA 212/KIS 200**

**COURSE TITLE: NADHARIA ZA UHAKIKI WA FASIHI**

**DATE: 20/07/2022**

**TIME: 11:00AM-1:00PM**

---

#### **MAELEKEZO**

Jibu maswali **matatu** pekee.

Swali la Kwanza ni la **lazima**

**MUDA: Masaa Mawili (2)**

**KIBU observes ZERO tolerance to examinations cheating**

## **Maswali**

1. a) Bainisha sifa za urasimi kwa jumla. (alama 8)  
b) Tofautisha kati ya uhakiki sadfa na uhakiki wa mapitio. (alama 4)  
c) Eleza umuhimu wa uhakiki katika fasihi. (alama 8)  
d) Dadavua sifa za nadharia mwafaka. (alama 10)
2. Onyesha uhalisia wa maisha kimaudhui kwa kurejelea riwaya ya kiu. Zingatia hoja zozote tano. (alama 20)
3. Kwa kurejelea nadharia ya umaksi, hakiki riwaya ya *Nyota ya Rehema*. (alama 20)
4. Pambanua namna uhalisiajabu unavyobainika katika riwaya ya *Babu Alipofufuka*. (alama 20)
5. Hakiki shairi lifuatalo kwa kuzingatia mihimili ya nadharia ya umuundo. (alama 20)

### **KWA WALIMU WOTE**

Sikilizeni wimbo huu:  
Nilipokuwa mtoto niliitwa Chacha  
Kwa matamshi yangu ya sasa  
Nilipokuwa kijana niliitwa Chaupele  
Nilipokuwa mtu mzima niliitwa Manywele  
Nilipokuwa mwalimu nikaitwa Bure.

Huu utakuwa wimbo wako  
Utakapostaafu urudipo nyumbani  
Umelewa kangara na nyayo zako  
Zikishindwa kulenga njia nyembamba vijijini.  
Utakuwa kichekesho cha watoto  
Watakaokuita, Ticha! popote upitapo.

Kumbuka mwalimu utakapostaafu.  
Mijusi watataga mayai ndani ya viatu  
Vyako vilivyokwisha visigino  
Na ndani ya sidiria chakavu  
Zilizoshikizwa kamba kwa kipini  
Mende watazaliana ndani ya chupa tupu  
Za marashi na za bia.

Na manyigu yatajenga ndani ya kofia  
Zilizosahaulika kutani.  
Utakapokufa nge watazaliana  
Chini ya jiwe juu ya kaburi lako,  
Na mlevi fulani akipita atapenga  
Na kupangusa vidole kwenye jiwe pweke.  
Mwanzo na mwisho wako ndio huo.

Lakini wakati ungali hai  
Unaweza kubadilisha mkondo wa maji.  
Lakini kwanza tuzungumze. Wewe na mimi.  
Acha mioyo yetu izungumze.  
Baada ya kunyanyaswa na kisha nusu mshahara,

Utafundisha tena nyimbo kuwasifu viongozi?  
Utafundisha tena ngonjera?  
Utapeleka tena wanafunzi asubuhi  
Wakajipange barabarani kusubiri  
Mgeni afikaye saa kumi, na apitapo  
Apunga tu mkono kuwatia kichaa cha shangwe  
Na huku nyuma mwasambaa na njaa?

Tazama hilo rundo la madaftari mezani  
Utalimaliza kwa mshahara mkia wa mbuzi?  
Tuzungumze. Nyinyi na mimi.  
Acha mioyo yetu izungumze.  
Mkiwa waoga na kujikunja kama jongoo  
Mtawekwa kwenye vijiti na kutupwa  
Nje ya ua, ndani mtawaacha  
Wacheza ngoma wakitunga nyimbo mpya.

Sikilizeni walimu.  
Anzeni kufundisha hesabu mpya:  
Mjinga mmoja kujumlisha na wezi ishirini  
Ni sawa na sufuri.  
Fundisheni historia mpya:  
Hapo zamani za sasa  
Hapakuwa na serikali.

Sikilizeni kwa makini  
Umoja hatuna:  
Twasambaratika kama nyumbu.  
Tulichonacho ni woga,  
Na kinachotuanguisha ni unafiki.  
Lakini tusikate tamaa kama mbuni.  
Tukiupata umoja bado tunayo silaha.  
Kura.